

DE LA FRANCE. 99

La septiesme ville du ressort du Chastelet est Gonesse vn des plus beaux & riches bourgs de France, où l'on faict du pain fort recommandé par ceux de Paris, pour sa delicatesse.

Non beaucoup loïn de ce pais est la villed'Argenteul où est la robe de nostre Seigneur.

*Ar-
gen-
teul.*

DV PAIS CHARTRAIN.

*& de la fondation & antiquité
de la ville de Chartres.*

CA ville de Chartres estoit jadis principale & Metropolitaine du pais Chartrain, ou les Druides faisoient leurs domiciles, Parlemets & assemblees, comme cy deuant auons dict.

Fond.

Ceste ville est de grande estendue, & s'appelloit *Autricum*. Elle

*de
Char-
tres.*

le

*Fond,
de
Char-
tres.*

le est située au milieu de la Gau-
le Celtique, & est vne tresancien-
ne colonie des Gomerites, qui
du temps de Noé vindrent peu-
pler ladicte Gaule Celtique. Le
premier qui s'y achemina fut Sa-
mothés.

Les anciés Gaulois apelloint
ceste ville Caruntem du mot
Grec Caryos, qui signifie noix,
d'autant que ce país y est abon-
dant.

Il y a vne autre opinion sur l'E-
thimologie de ce mot, de ceux
qui disent que Chartres est ainsi
nommee, à cause du chastiment
& correction des delinquans,
qu'on faisoit en ceste ville, durát
le regne des Druydes.

*est en-
due
de
país
Car-
train.* Le país Chartrain contient
la Beauce & la Soloigne, & est
vn des plus beaux & des plus fer-
tiles de Gaule, en toutes sortes
de bleds, fruiets, bestial, & autres
biens.

biens.

Les champs voisins de Chartres sont arrousez d'une petite riviere, nommee dœure, qui passe à trauers la ville, & vient du país du Perche.

Les Chartrains & principalement leurs Comtes & Gouverneurs, long temps au parauant que Cæsar eust conquesté les Gaules, furent abbreueuz, & creurét, par la doctrine des Druydes (qui auoint peut estre leu les Prophetes & les Sybiles) qu'il naistroit en terre vne vierge, qui produiroit le salut des hommes.

Ceste opinion fut cause que Priscus Comte de Chartres feit faire vne Image representant vne vierge, tenant vn enfant entre ses bras, & la meit au rang des statues des Dieux des Payés, & lui offroit souuent sacrifice.

Ce

Ce qui donna subject à tout le peuple de faire de mesme.

*Mira-
cle no
sable*

Le Conte Gaufrede ou Geofroy, sieur de Mont-Iheri, comença de faire le semblable, qui se veid bien tost payé de sa deuotion, recourant vn sien fils, qui estoit tombé en vn puy tresprofond. Ce qui fut occasion que ces seigneurs bastirent vn temple à ceste vierge incogneuë, luy presentant des offrandes, & augmentoit de iour en iour le reuenu de ce temple.

*temple
basty
par
les Pa-
yens,
au nõ
de la
vier-
ge.*

s. Sauinian, & s. Potentian furent enuoyez en Gaule pars. Pierre Apostre, lesquels conuertirent facilement ce peuple à la foy Chrestienne, la pluspart duquel honoroit desia la memoire de la vierge future, qui deuoit en fâter le Fils de Dieu. Les susdicts saincts personages establirent S. Auentin premier Euesque de Char-

Chartres, qui facilement conuertit ce peuple.

Tost apres les Chrestiens commencerent d'estre persecutez en Gaule, par Quirin Proconsul, lequel arriuant à Chartres, feit precipiter grand nombre de fiddelles en vn puy, qu'on apelle encor à pres le puy des saints forts, & est en vn caueau sous l'Eglise.

Il y a 72. Chanoines en l'Eglise de Chartre, à l'imitation des 72. disciples de nostre Seigneur: le nombre desquels fut institué du temps de S. Lubin, 16. Euesque de Chartres, lequel Euesque limita le Diocese de son Euesché.

L'Eglise Cathedrale, dediee à nostre Dame, est vne des plus belles de France, & est route voultee, y ayant dessous terre comme vne seconde Eglise.

Par
qui
fut
mis
le
Di
cese
de
Char
tres.

Du

Durant le regne de Charles le Chauue, la France estant fort persecutee des Normands, la Cité de Chartres fut saccagee, & mise à feu & à sang par Hastingue, chef des Normans & Danois, qui rasa la ville de fonds en comble.

La ville estant r'edifiee fut encor vne autre fois assiegee par Raoul capitaine des Normands, Charles le simple regnant en France.

Les assiegez estans reduicts à l'extremité, eurent recours à Dieu & à la sacree vierge, à laquelle leur ville estoit de long temps dediee, & le susdict Euesque, ayant pris la chemise nostre Dame, (que par singuliere deuotion on gardoit à Chartres & y auoit esté donnee par Charles le Chauue) la mit au bout d'vne lance, allant contre le Payen Raoul,

Raoul, lequel effrayé de la main & puissance diuine, leua le siege & s'en fuit. A cause de quoy il se feit Chrestié, & ayant obtenu du Royle païs de Neustrie (qui des lors fut appellé Normandie) feit de grandes aumosnes à l'Eglise de Chartres, & tousiours depuis fut fort deuot à la vierge.

Fulbert 54. Euesque de Chartres Chanoine de sainte Vie, composa plusieurs hymnes à l'honneur de la vierge Marie, & institua la feste de la Natiuité nostre Dame, qu'on solennise par toute la France au mois de Septembre.

Cest Euesque aussi feit refaire la ville & l'Eglise comme elle est à present, ayant esté bruslee par cas fortuit.

Le 61. Euesque de Chartres, nommé Geffroy, obtint plusieurs beaux priuileges pour son Eglise

des

*Fulbert
Euesque
institua la
feste
de la
Natiuité
nostre
Dame*

des Papes Innocent & Honorie, sous lesquels il fut legat, pour le fait de la pacification de quelques troubles & schismes aduenus en l'Eglise, dont il s'acquita à leur contentement.

Ledit Geffroy fonda l'Abbaye, de nostre Dame de Iosaphat à Chartres. Et de son temps la ville fut presque toute bruslee, excepté la grande Eglise.

Le 63. Euesque de ce lieu appelé Robert, fonda les Abbayes de Claire-fontaine, s. Remy, & s. Cir.

Le 94. Euesque nommé Iean de Salisbery, Anglois de Natiõ, fut compagnon de S. Thomas de Cantorbery, duquel il a escrit la vie, & a composé vn liure intitulé Policratique des bourdes des Courtisans, où il touche amplement de tous les poincts de la vie humaine : & vn autre
liu-

di& Penitentiel.

Iceluy donna plusieurs beaux vaisseaux d'or à l'Eglise de Chartres, avec les reliques de S. Crespin & S. Crespinian, il mourut l'an 1180.

Son successeur nommé Pierre ^{Par} ac ^{qui} creut & aggrandit la ville, & ^{fut} feit ^{la vil-} pauer les ruës de Chartres. Il fut ^{le de} fort regretté d'vn chacun. ^{Char-}

Le païs Chartain à plus de 40. ^{ires} lieuës de long, allant de Poissi à ^{ac-} Mante, selon la riuere de Seine, ^{creue.} puis double son chemin vers Orleans.

L'euesque de Chartres com- ^{Pro-} mādē en la spiritualité sur 1700. ^{uices} paroisses ou clochers, & sur 30. ^{de per-} Abbayes. ^{dāses}

En ce Diocese sont compri- ^{du} ses les Prouinces de Blois, Van- ^{païs.} dosme, Dunoy, Mont-fort, ^{Char-} Mante & le grand Perche. ^{train.}

Les Baronniees qui ensuyuent

F

releuent de l'Euesq̄, Aluye, Brou, Mommiral, Authon, la Bazoche, le Vicomte de Laigny, Messe au Vidame.

*Char-
tres
siège
Presi-
dial.*

Chartres est vn siege Presidial, y ayant President & Conseillers: & y resortiffēt autres sieges, comme Chasteau neuf en Timerays, le grand Perche, Gouet, Estampes, Dourdan, Nogent le Roi, Bonneual.

DV PAYS DE BEAULCE ET
de la Soloigne,

LA Beaulce contenuë sous le país Chartrain, comme nous auons dict, est des plus fertile de l'Europe, & vn des principaux greniers, qui nourrit Paris, comme jadis l'Egipte & la Sicile de Rome.

La Beaulce à plusieurs villes & villages, mais qui ne sont au-

sic-